

# Grafia neva del Ladin Fascian

Istitut Cultural Ladin  
“majon di fascegn”  
2021

## **Comision per la grafia neva del ladin fascian:**

Evelyn Bortolotti, Nadia Chiocchetti, Roberta Dellantonio, Lucia Gross,  
Vigilio Iori, Mariagrazia Pitscheider, Sabrina Rasom

## **Coordinament:**

Sabrina Rasom e Nadia Chiocchetti

## **Co la colaborazion de:**

Maura Chiocchetti, Nives Iori, Ismael Pellegrin, Stefano Riz

## **Istitut Cultural Ladin “majon di fascegn”**

**2021**

## Paroles d'antfora

L'ortografia del ladin fascian - enceben che la sie stata tota su belebon ti ultimes 10 egn do la publicazion de la Gramatica del ladin Fascian del 2001 - no la à amò arjont n livel de stabilità e funzionalità deldut percacent.

Do la reformes maores del 1987 e del trat de temp 1994-2000 - che les à revardà la pruma dut I raion ladin dolomitich e la seconda soraldut Fascia e Gherdëna - del 2010 I é stat portà dant na proponeta de revijion a livel interladin no tota su da duta la valèdes, che enveze à metù man a reformes ortografiches indépendentes: anter I 2015 e I 2019 Badia e Gherdëna à ajornà sie sistem ortografich; Fodom I é do che I laora sun chest intervent e Ampezo no é amò intervegnù.

L'Istitut cultural ladin de Fascia met fora con chest document na réforma ortografica per l'ladin fascian, tel tor su la domana de la Scola ladina, del Comun general de Fascia e del mond de l'editoria de aer indicazions ofizieles e coerentes en cont de vèlch regola amò no deldut prezisa o de incongruenzes tel sistem da ades.

Con chest zil, con determinazion del Diretor n. 23 dai 17 de firé del 2021 "Costituzione di una Commissione linguistica per l'ortografia e la grammatica ladina fassana", l'Istitut cultural ladin à chiamà ite na Comision apostata metuda adum da esperc di desvalives enc.

Chesta reforma ortografica la pea via dal pont de veduda che la regola data à de besegn de vegnir durèda percheche se posse entener sia percacenza. Soraldut l'applicazion didatica I é l'meso più utol te chesta direzion, ma ence la doura del lengaz scrit te la stampa e te la traduzion à uzà fora l'besegn de intervenc de miorament o mudament.

Amò apede, l'intervent I é possibol ence ajache tel temp la alfabetisazion ladina la é avenèda e miorèda e se pel jir tel vers de na foja de scriver madura, semper manco leèda a la caraterisazion "dialetèla", che enveze l'à de besegn de entroujer (ence) segnes grafics distintives per uzèr fora i elemenc tipics del lengaz e per desferenzièr elemenc grammaticai e fonetics tel medemo sistem linguistich.

Chest document à da valer desche strument divulgatif de didament per entener a na vida sorida e asvelta i mudaments porté dant. N'urier linguistich più scientificich e de aprofondiment I vegnarà metù a la leta ti ac di urieres de la Comision.

# Criteries

Tel endrezèr i lurieres, la Comision à descoret fora e la ge é jita do a desvalives criteries.

**Semplificazion.** L'è stat fat fora de deschiarir miec o de mudèr chela regoles che les podessa esser cajon de confujon, desche per ejempie la doura di azenc facoltatives che veggia da na riflession metalinguistica che domana competenze massa spezifiches, o desche la doura del azent te caji che no l'è de besegn che l'sie, percheche l'contest pel desferenzièr.

**Doura** de la regoles e de coche chestes les è states toutes su da la jent. Per entener la percacenza de la regola, l'è stat tout i fai più significatives fac ti ejames de ladin per la jent grana e te la scola e se à vardà de capir se chissi fai podea veggia da na incongruenza de la regola data.

**Regoles ortografiches di etres idiomes ladins dolomitans**, con chela de respetèr l' compromis già tout su tel passà de tègnir adum e de meter dant regoles più unitères che l'è meso. Chest tant aboncont zenza se arlontanèr massa da la particolaritàdes del idiom de referiment, risian de ge jir de contra ai etres criteries, e tel respet de la polinomia che caraterisea i lengac de mendranza, te chest cajo l' ladin fascian.

**Polinomia de val.** La Comision à descoret fora ence caji più tipics de sotvarianta che domana na normazion, dalajache tel scrit ofizièl (te scola e ti ejames de zertificazion del lengaz, per ejempie) l'utent pel cerner de durèr sie idiom (brach, cazet o moenat empêde che l' standard fascian). La discussio sun chissi argoments aboncont la è stata fata dèmò col zil de endrezèr la regola standard, fajan fora de normèr chissi argoments più spezifichs tel davegnir.

**Abstand**, schendir l' besegn del lengaz de mendranza de se desferenzièr e stèr amancol mingol dalonc dal codesc de maoranza con chel che l' se confrontea de più (tel cajo spezifich dal talian), ma ence dai etres idiomes.

Olache sèrf veggia despiegà più tel menù la rejons de la regola comedèda o mudèda, con chela de sporjer didament, soraldut a livel didatich, per meter en doura la reforma.

Chest document integrea e comedà la Gramatica del ladin fascian e l' veggia portà dant desche strument sori e schematiche per tor su e ensegnèr la neva regoles. Olache l'è de besegn e tel ultim paragraf (Notes) se troa ence na curta spiegazion de la rejons di mudaments.

I mudaments porté dant te chest document i revèrda la doura del azent, del apostrof, de la schertura del grafem -ss a la fin de la parola e chela de la paroles componudes.

## L azent

La regoles en cont de la doura del azent grafich e grammatical per ladin fascian les va te la direzion de na semplificazion che aboncont la tegne cont de la peculiaritèdes e de la regoles oramai jites ite te la doura.

I mudaments revèrda la regoles pàrvudades da la Gramatica del ladin fascian (par. 1.4, 1.5).

## L azent va metù

1. sèmpre su la è averta distintiva de la variantia cazeta (ejit de A tonica te silba averta latina), tout ite la formes verbales e i ètres caji olache, aldò de autra regoles, l azent no fossa pàrvudù

*cèsa-ciasa*

*ciantèr-ciantar*

*sarèl-saral?*

*magnèla-magnaëla?*

*jirèla-jirala?*

*particolèr/particular* (v. ence pont 8)

met vèrda che la è cazeta pàrvèl sun la autra regoles de azentazion

2. su la parola tronches metudes adum da più che na silba e che les fenesc con n vocal

*zità*

*emprometù*

*batù*

*sorì*

su la e l azent vegn scrit serà, fora che te pecia ecezions che revèrda la toponomastica

*ledamé*

*bendeché*

*malé*

*Boè*

su la o l azent vegn scrit aldò de la pronunzia

*endò*

*candenó*

### 3. sun chesta formes del verb **aer** desche azent grammatical

- prejent indicatif de la pruma persona singolèra ence te la forma interogativa  
*ge é - é (gé)?*
- prejent indicatif de la terza persona singolèra e plurèla ence te la forma interogativa  
*el/ela à - èl/èla?*  
*ic/eles à - èi/èles?*

### 4. sun chesta formes del verb **esser** desche azent grammatical

- prejent indicatif de la terza persona singolèra e plurèla ence te la forma interogativa  
*el/ela é - él/élá?*  
*ic/eles é - éi/éles?*

Met vérda che la forma é de la pruma persona indicativa del verb *aer* e de la terza persona indicativa singolèra e plurèla del verb *esser* les é omografes ma les vegn da verbes desfèrenc. Alincontra te la forma interogativa la pruma persona indicativa

al prejent singolèr del verb aer à l medemo azent serà - é (gé)?  
- enveze la terza persona singolèra e plurèla indicativa del verb aer porta l azent avert (ejit cazet de A latina te silba tonica averta) - èl/èla?, èi/èles?

Tè chest cajo la pronunzia à da esser ensegnèda dèvers per garantir na comprehenjon drèta.

5. su la forma monosilabiches di verbes **dir**, **dèr** e **saer** che va fora en vocal (per i desferenzièr da la preposizions)

*di (imperatif singolèr del verb dir)*

*dà (imperatif singolèr del verb dèr)*

*sà (terza persona singolèra e plurèla del indicatif prejent del verb saer)*

*sé (pruma persona singolèra del indicatif prejent del verb saer)*

la fomes **vé** (imperatif singolèr de *veder*), **té** (imperatif singolèr de *tegnir*), **tò** (imperatif singolèr de *tor*) I é formes gergales e les vègn scrites col azent per les desferenzièr dal pronom omograf

6. sun chesta cobia monosilabiches

*di (giorno e imperatif singolèr del verb dir) / di (preposizion articolèda)*

*té (boanda)/te (datif: a ti)*

*mé (sostantif mascolin)/me (pronom)*

*gé (nominatif )/ge (datif)*

*cò (averbie de temp)/co (averbie de modo)*

*jà (averbie)/ja (preposizion)*

## L azent no va (più) metù

A respet de chel che l era pervedù te la Gramatica del ladin fascian (par. 1.5) se scrif zenza azent

### 7. i omografes canche l contest deida desferenzièr

- *sia* (sostantif feminin)/*sia* (pronom possessif feminin singolèr e plurèl)/*sia* (terza persona singolèra del indicativ prejent del verb sièr)
- *jia* (prejent del verb *jièr*)/*jia* (imperfèt del verb *jir*)

sui omografes che se desferenzia per l grado de aertura del vocal (**e** o **o**) se pel meter l **azent se l contest no desferenziea jà I segnificant; te chisc caji l azent vegn metù sul vocal pronunzià avert**

*toch/tòch*

*or/or*

### 8. la parola tronches con desinenza -er averta, ajache no se trata de **è** averta distintiva de la variantia cazeta (ejit de A tonica te silba averta latina)

<i>sanscer</i>	MA
<i>malgher</i>	secretèr-secretar
<i>bander</i>	dizionèr-dizionar
<i>monter</i>	particolèr-particolar
<i>sciofer</i>	magnèr-magnar
<i>roder</i>	

## 9. la combinacions vocaliches

*sauch  
fadia  
reina  
paisc  
bautol  
porcie  
ciapie  
tecnologia*

nience te la forma verbales del imperfet

*cojia  
dormia  
padia  
fenia  
jia (imperfet de jir)*

## 10. la parola parossitones o proparossitones (pianes o sdrucioles) olache l azent l era conseà

*azola  
amancol  
datol  
utol  
candola  
orghen  
mercol  
picol  
beleche*

ence la forma verbales

*pelei?*  
*fajesseles?*  
*fajeeste?*  
*telefoneege!*  
*portel!*  
*ciapel?*  
*conteme!*  
*tolèvène!*

11. la paroles monosilabiches fora che ti caji dic tel pont **5 e 6**

*su*  
*ju*  
*do*  
*ca*  
*fa!*  
*ji!*  
*sta!*  
*va!*  
*tra!*

su la partizela prèposizionèles e averbièles di verbes  
prèposizionèi/frasai no va donca mai l'azent

*fenir su*  
*vegnir do*  
*tor ju*  
*vegnir ca*

## L apostrof

La regola del apostrof en referiment a chisc caji spézifics la vegn mudèda, ajache no la passenea co la regola linguistica generèla de l'elijion

12. I articol mascolin singolèr no porta (più) l apostrof tèdant a parola che scomenza con n vocal (autramenter da chel che vegn pàrvudù tè la Gramatica del ladin fascian, par. 2.1)

*I om*

*I èlber*

chesta regola vèl ence per la doura del articol mascolin singolèr tè la preposizion articolèda: l articol zenza più apostrof va scrit tacà a la preposizion

*del om*

*del èlber*

*sul armer*

*col èsen*

*col orei*

**tel** orir / usc é vedù...

passèr **dal** invern **al** istà

dèfat l articol mascolin singolèr l é *I*, te sia forma piëna, e donca no sauta ju negun vocal da segnèr col apostrof

la preposizion articolèda fémmina enveze resta ampò scrita destachèda

*da la mère*

*da l'ameda*

13. I pronom personèl mascolin singolèr debol tant soget che ogé e l pronom espletif no porta (più) l apostrof (autramenter da chel che vègn pàvedù te la Gramatica del ladin fascian, par. 7.1.1)

*I era*  
*I é*  
*I à*  
*I à fiocà*  
*I era doi femenes*

ence te chèst cajo I pronom personèl débol e l espletif **I** é **I**, te sia forma piëna, e donca no sauta ju negun vocal da segnèr col apostrof

col verb *aer*, canchè I pronom fèminin vègn durà te la forma èlitica, ben sègur che se met l apostrof

*(Maria) Ia à dit/l'à dit*

14. la partizèla **n** partitiva no porta l apostrof

*i **n** à vedù massa*  
***n** volesse trei, de chi pomes*

met vèrda che te la forma *nen* (cazèt *nin*) la **e** la è fonética / èpentetica (de didament a la pronunzia)

*I **nen** vel cinch*

medemo te la posizion ènclitica (a la fin de parola)

*tolene **cater**, de chi crofègn*

la preposizion temporèla, che bendeché la vègn pronunzièda desche biota **n**, la vègn ènveze scrita **en**

***en** chela dì*  
***en** vea de...*

I pronom personèl **ne** (a nos) pel esser durà te na forma curta tèdant a n vocal e donca apostofà; vègn aboncont conseà de durèr la forma èntria

*saon jà che che l é sozedù, i n'à contà/i **ne** à contà dut*

## I consonanc

Per chel che vèrda i consonanc chest intervent su l'ortografia à porta demò a tor demez l grafem -ss a la fin de la parola

*prozes*

*azes*

*cales*

*ingres*

## Paroles componudes

L é stat conscidrà de utol deschiarir miec ence la règola che revèrda la paroles da scriver tachèdes o destachèdes

15. averbies/preposizioni de direzion e averbies componui en générèl pel vègnir scric tant taché che destaché; se la parola vègn scrita tachèda se cogn la adatèr graficament tel cajo de parola tronca (ossitona)

*debesegn/de besegn*

*dadoman/da doman*

*dessora/de sora*

*dantjù/dant ju*

16. i inomes componui che disc fora na unità conzettuèla vègn scric taché

*paralevines*

*lavaman*

*malsegur*

*ciasadafech*

canche l vocal de la parola che pert l azent te la union l é è ejit  
cazèt de A tonica te silba averta latina l tol su endò la forma a

*pèra + levines > paralevines*

*lèva + man > lavaman*

*mèl + segur > malsegur*

*cèsà + da + fech > ciasadafech*

## Notes (per la scoles)

La Comision per l'ortografia, tel meter ju la neva regoles portèdes dant te chest document, la à tegnù cont fora e fora ence de la consequen-zes che la dezijions toutes pel aer per la didatica. La grafia e l'ortografia de n lengaz ge va do a sistemes linguistics e soziolinguistics desvalives, che en pèrt i è stac palesé ence tel paragraf *Criteries al scomenz de chest document*. Ensegnèr n lengaz de mendranza domana profpcionlitàdes spezifiches tel ciamp glotodidatich e de saer rejer contesçó polinomics e multilinguistics desferenc. Amò apede se jonta ite te chest chèder ence l besegn per i ensegnanc, de vigni zicle scolastich, de adatèr l enseignament a students con competenze n muie desvalives un da chel auter, ence te la medema clas.

Tel ge portèr dant ai scoolees e ai students la regola neves, l é emportant uzèr fora l principie de la semplificazion e de la logica, fondament de chest intervent normatif.

L azent no aessa mai cognù esser n pont senester da tor su tel emparèr l ladin; la abolizion di azenc facoltatives e del azent grammatical su la

formes interogatives dovessa serèr deldut la costion. Podessa vegnir uzà fora che chesta semplificazion no deida emparèr la pronunzia. Va tegnù cont aboncont che la regoles ortografiches no cogn ge coresponer a la trascrizion fonetica, ma a l'economia del lengaz. Enceben che vèlch outa l'azent deide tegnir en vita la fonetica de n idiom pech rejonà, chest no pel esser aboncont a descapit de na doura sorida e scempia del sistem grafich.

I azenc che l'è stat lascià i à enveze l'zil de didèr entener l'segnifikat de la parola tel cajo de omografes che senò i jissa strantenui.

Descheche l'è jà stat dit, i doi mudaments ortografics porté dant per l' apostrof i ge va do a na costion de logica generèla di lengac. A livel didatich chesta regola la è sorida da despieghèr: enceben che chela da dant sie jita en doura belebon, se à fat fora che la sibie da comedèr, ajache apontin no l'aea neguna spiegazion linguistica en favor.

La regola de la paroles componudes e de la conservazion de A tonica latina te silba averta (*pèra/paralevines*) la è stata toute su per portèr dant na soluzion sistematica a livel lessical per che che vèrda l' idiom standard; ben segur che per cazet se conserva pronunzia e schertura con è averta ti caji spontans.

Dachelanvia n pecia de paroles del DILF vegn mudèdes, ajache sia standardisazion no era dreta, desche: pènt > pont, sèn > son, mèlaugure > malaugure.

La reforma jirà en doura de setember del 2021, tel scomenz del an de scola. La Scola e la istituzions competentes podarà portèr dant chisc mudaments lascian l temp che serf percheche i vae ite te la doura; chest tant vèl ence per i ejames per la zertificazion linguistica. Vegn pervedù n trat de temp de toleranza e compagnament del utent e de adatament di struments didatics e de la infrastrutures linguistiches.



MAJON DI  
FASCEGN